

沈乃文 主編

明別集叢刊 第五輯

第二十二冊

黃山書社



国家出版基金项目
NATIONAL PUBLISHING FOUNDATION


『十二五』国家重点图书出版规划项目
2011—2020年国家古籍整理出版规划重点项目

沈乃文 主編

明别集丛刊 第五輯

第二十二冊

黃山書社



(明)左光先 撰

桐城左侍御疏稿不分卷

清康熙刻本

叙

嘗讀易蹇之六二王臣蹇
蹇匪躬之故象曰王臣蹇
蹇終無尤也古大臣鞠躬

王肅序一

盡瘁不辭險難事雖不濟
誰得尤之嗟乎我桐川夫
子之謂哉夫子筮仕甄閩
之鹵揮絃百里至今甘露

雲谷間尸祝不衰此惠洽

一方者也昔人有言神羊
觸而聞避馬之雄夕鳥飛
而叶遷鶯之舉夫子執法

王肅序二

殿中墻岸山立此名著一
時者也皆不足以盡夫子
夫子一生固終始於艱虞
憂患中志未伸而用未竟

也前代逆璫煽禍忠毅公
死詔獄夫子反匿涕呼幾
及難而免尋以卓魯異績
拔烏臺出入風議拜命之

華序三

日昌言自矢海內想望丰
采矣夫子清剛精敏聞善
若驚吏治民生兵食安攘
諸所條奏朝上夕報可其

大者則在激揚清濁彈正
人之冠解墨吏之綬而且
指顧定海邦之亂也蓋其
時朝野所推祥麟威鳳如

華序四

鄭公玄嶽劉公念臺陳公
益吾方公仁植文章風節
如倪公鴻寶許公霞城皆
以孤特忤時或爲封疆受

過鵬鳥憂生蹇修懷王經
夫子論列先後賜環至權
使婪橫恃系天潢一掛彈
文立從吏議中外凜然嗟

王序五

乎豈非往制所云克荷家
訓來爲聞人整肅周行懲
艾風教者與抑曩年寶婺
揭竿非小變也以子衿謀

不軌號召亡賴集萬衆墮
三城勢同崩解夫子調發
將吏鼓舞戎行計擒逆首
解散從人未匝月而星馳

王序六

電掃此其功豈在彰義節
度下惜當時無載筆以從
如行軍司馬者記註盛事
又小醜一發旋就誅夷朝

廷未苦用兵故疥癬視之
然而嫠人今尚能言之矣
浙以鹵累漕白二糧明末
爲甚兼頻年患水凋敝流

聶序七

亡夫子一言入立起溝中
之瘠鄭監門如在可云古
今人不相及耶巡方報代
後解組歸田政同里要人

羅織時事燄可炙手夫子
其質晉之怨也遯野之踪
行歎坐戚有如顓命沈城
之中跳身飛簇之下較逆

聶序八

璫煽禍時機更深網更密
夫子憔悴則更甚矣所爲
終始於艱虞憂患中志未
伸而用未竟者若匪躬之

節則與日月爭光可也竊
觀唐宋以來陸宣公之疏
陳同甫之書劉去華文文
山之策皆以剴直詳明有

攝序九

聲來世夫子寧多讓焉語
有之古皇之庭實生屈軼
安得今之服冕不如其古
者之爲草讀夫子疏可雪

此言可以教諫也小子

芳

束髮受知遇身親函丈者
數年恩義周渥踰軼骨肉
夫子歿

芳

時留滯京師近

攝序十

叨居巢長距松楸僅三十
舍又復匏繫不能一掃墓
塵謹於疏草之刻齋沐弁
數言聲淚俱集矣

皆

康熙元載歲壬寅首夏居

鄭長閩綏門人聶芳

拜手謹序於清畏軒

毒序十一

之留香閣



序

古直亮通明之士不數數生其或生於一氏相後先而出以報國次第間使人主世有其用豈不難哉夫兄弟之爲盛臣也其祖於元凱乎乃後代則少見焉其見者或無大足術方熹廟時浮丘左公之以竭忠死寺宦手也天下莫不聞今天子當陽又十餘年介弟三山公復以名御史聲於朝按部兩浙

卷十一

余亦以備兵待罪嘉湖得悉公行事恨余後至奉教未期而公已還朝行矣乃幸讀其奏議而序之則曰人才之難兼也蓋自古以然夫較然持風節清流品有出入風議之長者不必能綜辨政術爲當世實用而其精於吏道者正聲鯁議抑亦罕聞今觀公之在中外也辨是非濁清斬斬不少阿擊邪閉奸靈驅梗廝旣以風采爲當世所畏愛及其勤恤

民隱周覈官方析治刑兵樹利格惠其偉筭
特績又莫能逮以此人尤難之夫三代之後
人才盛於兩漢言循吏者則莫若西言節士
者則莫若東然令黃次公諸人出入風議持
風節辨流品爲漢廷直臣則其氣將有所不
逮而使元禮孟博之流以其破柱登車激揚
風流澄清天下之槩而議諸吏道則其實用
不必可觀於是歎人才之難而公之未易得

集序二

也夫唯盛治廼生上材我國家其有幸焉
浮丘公以忠節特聞而經世之業有未盡施
者留以待公然則魏公願爲良勿爲忠之語
前人譏之而今者特可以語公浮丘忠節彼
一時也余願公全乎爲其良者其於國家
豈不尤幸也歟此天下之士睹左氏一門羣
從蟬聯鵲起者固爭以此期之已余辱公知
愛特深今以病乞歸唯公信我公去而余亦

行矣宜乎公亟屬之言而予亦不能辭也

浙江布政使司右叅政兼按察司僉
事管理嘉湖兵巡道吳嚳侯峒曾
頓首謹序



集序三

序

左侍御世以風節聞凡立朝所抨射許可率當 天子意人得侍御公隻字褒卽自謂可不朽有過亦輒畏侍御公知然而人卒疑其摯歛過於陽春而侍御於世亦不復稍假借顏色宜其按浙也鷺鳥擊而嚴霜厲矣乃獨不專尚風節而行之以老成靜正易直子諒賢者不可測故如是哉蓋浙至今日何如浙

徐序一

也向苦吏治之不剔今守令去部恒年餘不奏置十恒五六缺卽欲剔更安所得人也而剔之者向苦民病之不甦今計部缺軍需歲數百萬緡望濟於東南更甚農夫之望歲請卹疏十不得一下卽欲蘇更安所得法也而蘇之者則余見我公之以翼勵代飭也遇上材訓之俾蒸於道德遇下材誘之俾奮於事業故位多匿員而地無廢事又見公之以敬

簡代蘇也節省供應以愛養物力蠲滌苛細以軫念罷勞故時鮮補助而民勉流離則我公之心益苦而力亦益殫矣方受代之日忽三衢有僞檄假 中旨募材官伙飛用彰撻伐縣文上公立察其僞密授方畧擒定之是役也選一運倅行卒縛內間王宣王忠一歸之王鉄而解散餘黨地方賴以卽安公之知人善任皆此類也然此特公之緒餘也公之

徐序二

學問在皦然不欺嚴於治已而恕於繩人而其一腔忠愛在力分君子小人之辨其力分君子小人者欲使君子恒在內以著其德小人恒在外以著其力其兼秩君子小人者欲使小人有所容自化爲君子使國家有將伯之助無朋黨之患卽戎夷可撻而盜賊可弭惜未知何日可以竟公志也易曰渙其羣元吉詩曰秩秩德音此之謂矣余故於其行也

所以紀之 憶昔對宸楓昌言氣若虹薦書

聞炤玉彈墨走腥銅封識還西舍呈身拜下

風竭來吳越地仗節起哀鴻 戎馬滿天地

東南幸稍稀烏傷忽僞檄赤羽招伙飛指顧

指奸謀從容寢賊機功成在不戰烟閣自霏

微 誰廉能不劇公德貴無名秩秩璵璠遠

輝輝鐵柱明諸侯移積習兩浙賀更生不學

埋輪者猶沾搏擊聲 嚶珂明白雪斧繡近

余亦三

青綸澤雁流仍集波鯨靜且閒道承天作柱

氣拔地爲山便殿應前席東南已恫瘝 民

力已如此其如微繕何願言告 明聖鑒與

息繁苛厚下能安宅勞狼鮮茂柯微公風節

勁誰爲轉天和

治弟徐石麟頓首書



桐城左侍御疏目錄

入告自矢疏 懲貪獎廉疏

遵 旨舉賢疏 諭商寬抑疏

入境糾劾疏 錢糧徵款疏

釐正白糧貪解疏 改折弓箭疏

呈報水災并申漕困疏

白糧官解侵陞疏 請禁紹興壩稅疏

恤幣輕重犯疏 薦舉方面疏

計糾有司疏 舉劾有司疏

左侍御疏稿目錄

薦舉邊材將材疏 類舉節孝疏

募兵不便疏 擒獲假 旨募兵奸細疏

勦寇報捷疏 復 命寬限疏

請告疏

外紹興府在籍鄉宦疏

詞城左侍御疏稿

閩緩門人聶

芳佳侯率男國求天生訂梓

男

國昌子永

國鼎夏子

國治子周

入告自矢疏

聖明高厚難酬微臣入

告自矢事臣中天啓甲子

鄉試是年臣兄光斗與楊璉同心討賊微臣鹿鳴之日正逆璫虎視之秋讐者欲斬草除根不令卵全覆巢故臣不敢赴春官臨場遯歸與臣兄抱頭痛哭記

左侍御疏稿

一

臨訣之言曰忠孝未了留以待汝我歸死綬獄汝當逃生深山毋以我爲念毋以我爲戒從此漆身匿影逃遯山谷者四載若非聖明御極優恤頻加臣以無死所矣安得視息人間則臣之生皇上生之也雞肋一吏萬狀艱危吏議凜於前資格繩於後臣茹荼飲水者七載若非皇上允執兼收弘開召對臣仍斥在泥途耳安得叨列班行則臣之官皇上官之也古人一飯必報知己必酬况無逃至尊賜生於九死之餘特升於必沉之地乎自頂至踵皇

上揭以予臣臣不盡揭以返報皇上猶苟苟碌碌起念不在君父立論別有肺肝是忘生成而外覆載天壤間安所容此有胸無心之人微臣回思十數年以前之患難覺受恩與諸臣異則自今以後之報稱自矢亦若與諸臣異故入告之初不得不預爲剖瀝吏治民生兵食安攘但有切於時務可以起溝中之瘠而分宵旰之憂者容臣次第直陳管窺以聽皇上採擇施行臣不勝感泣披瀝之至奉聖旨該部知道

左侍御疏稿

二

懲貪獎廉疏

聖朝有君無臣止因有臣無心謹以揚清佐激濁力
醒不死之良重轉貪頑之世事臣聞禮義廉恥謂之
四維忠孝之本原臣子持以事君父者也人無恥不
成人舉世無恥不成世界 皇上登極來其於大小
臣工優崇含覆豈不敬體之至無奈貪穢成風賄賂
習慣雨露窮而濟以霜雪故飭嚴衙嚴訪察不得已
也乃防之愈密避之愈巧日皇皇焉耳語目送冀逃
一人之照臨至同黨之知舉朝之知俱不問冥然掩

左侍御疏稿

三

覆之計反錮其翻然自悔之心如貞女以淫見責於
慈母不悔淫反悔蓋淫之未工也豈不大可懼哉臣
思恥心不動必難以善世三尺徒繩必不足以動恥
故懲貪外宜急維之以獎廉 皇上未嘗不求廉而
獎之正恐奉行不力獎廉而爲不廉者借也公典私
用則頂針之脉不清雖獎廉而與不獎無以異也特
典平用則衆注之目不驚廉者獎而遺於獎者種種
也嘗典間用則風世之氣不盈近日 皇上拔劉宗
周于廢棄舉朝喜色相告夫舉朝豈盡宗周卽宗周

豈有私于舉朝而相告不能不喜喜者愧之機也由
是觀之良心原自不死 皇上乘其機而鼓之試問
在朝在籍品行如宗周舉朝喜其用而猶悲其未用
者何人倣周官六計斷羣吏之法自輔臣而下各舉
廉善廉能廉敬廉正廉法廉辨之人據實上聞卽登
啓事宗周用如宗周者亦用清官不受人賄豈肯賄
人又豈肯容人賄一正色立 朝而貪污之指視嚴
矣立 朝皆正色而厭然之肺肝見矣始知不特
皇上以法懲下心非得已卽小人以身嘗法亦有不

左侍御疏稿

四

得已者君子道消禍反中于小人誠使清濁如黑白
之不可混黜陟如印泥之不可更明知廉必舉而舉
必廉何故以賄賂敗聲名明知貪必退而退必貪何
故以金錢賣性命蓋恥不生於逼而生於觀舜湯之
遠不仁得力只在舉臯陶伊尹則磨礪之別有機權
可知也貪廉關世道羞惡關貪廉勸懲關羞惡願
聖明留意焉奉 聖旨懲貪獎廉已有屢旨本內貪
穢賄賂左光先如有所見卽着據實指叅果有清廉
堪舉也着奏來該部知道 糾叅宗室權濬貪酷王

事朱術均薦舉清廉鄭三俊徐世廕華允誠奉 聖
旨朱術均貪酷異常商民稱厲着革了任該撫按察
明具奏所舉清廉各官着該部議覆

左侍御疏稿

五

遵 旨舉賢疏

爲仰遵 明旨敬舉遺賢以廣泰運以佐維新事臣
伏觀 皇上穆然遠覽思太平之未卽奏也繇善類
之未盡庸也爰祛剗嫉之弊弘開器使之門旣 命
廷臣廣諮彙奏又 命撫按各舉所知合普天之耳
目作一人之網羅世道人才何憂不濟臣躬逢 明
聖共慶泰交有何忌諱而甘受蔽賢之罰謹以輿論
僉同及臣真知灼見者爲我 皇上陳之一則原任
國子監祭酒倪元璐學問釀爲經綸風骨徵於奏議

左侍御疏稿

六

裕啓心沃心之業陳制虛制實之謨此誠體用具全
謀斷兼資者瑞世芝蘭竟以當門荆棘掃之可惜也
一則原任工科都給事中許譽卿捋鬚虎口賜環
龍慈其同被起用者多至九列而彼猶然故步給諫
十四年彈劾數十上其風力才品不惟羣工共推卽
輔臣謝陞亦深重之但人知參譽卿者輔臣也而不
知覆吏科疏議陞譽卿京堂者卽輔臣也何爲一人
而數日之間靜躁頓異升沉輒殊特緣議論偶激遂
致疑構相乘交絕惡聲君子惜之臣聞輔臣事後遂